



UNIVERSITÄTS-
BIBLIOTHEK
PADERBORN

Universitätsbibliothek Paderborn

M. Fabii Quintiliani Institutionum Oratoriarum Libri Duodecim

Summa diligentia ad fidem vetustissimorum codicum recogniti ac restituti

Quintilianus, Marcus Fabius

Lugd. Batav. ; Roterodami, 1665

Cap. VI. De divisione.

urn:nbn:de:hbz:466:1-12945

C A P. VI.

De divisione.

^{7'} **F**uit etiam in hoc diversum præcipientium proposi-
tum, quod eorum quidam materias quas discipulis ad
dicendum dabant, non contenti divisione dirigere, latius
dicendo prosequebantur: ² nec solum probationibus im-
plebant, sed etiam affectibus. Alii cum ³ primas modo li-
neas duxissent, post declamationes, quid omisisset quisque
tractabant; quosdam vero locos non minore cura, quam
cum ad dicendum ipsi surgerent, excolebant. Utile utru-
que: & ideo neutrum ab altero separe: sed si facere tan-
tum alterum necesse sit, plus proderit demonstrasse rectam
protinus viam, quam revocare ab errore jam lapsos. Pri-
mum, quia emendationem auribus modo accipiunt, divi-
sionem vero ad cogitationem etiam & stylum perferunt:
deinde, quod libentius præcipientem audiunt, quam repre-
hendentem. Si qui vero paulo sunt vivaciores, in his præ-
fertim moribus, etiam irascuntur admonitioni, & taciti
repugnant. Nec ideo tamen minus vitia aperte coarguen-
da sunt. Habenda enim ratio cæterorum, qui recta esse quæ
præceptor non emendayerit, credent. ⁴ Utraque autem

ratio

Divisionum appellat, partitionem the-
matis & materiae in sua capita, quæ
eadem dicitur παρηχέποις, quod
thema suis locis & partibus partiamur,
& tanquam in articulos manus mittamus.
hujusmodi sunt divisiones Sene-
cæ, & partitiones quæstionum Sopatri.
Turnib.

¹ *Fuit etiam in hoc, &c.*] M. Senec.
lib. vii. Controvers. Raro totam con-
troversiam implebat: Non posses dicere
divisionem esse: non posses declamatio-
nem, tanquam declamationi multum
decerat, tanquam divisioni multum su-
pererat. *Pith.*

² *Nec solum probationibus.*] Sequenti-
bus his capitibus quædam Fabius com-

pletatur, quæ ante declamationem fieri
debent, aut siebant. hic porro duas
inventionis est persecutus partes, fidem
& motum, ut nihil discipulorum inven-
tioni relinquatur. *Turneb.*

³ *Primas modo lineas.*] Metaphora
est ducta à pictura quæ μηρόγεαμμο
dicitur, quæ primum lineis ducitur,
deinde postea coloribus corporatur. *Idem*

⁴ *Utraque autem ratio.*] Putat Fabius
hac in re profectus esse rationem ha-
bendam, ut si discipuli sint rudiores,
fusius thema explicemus & diligentius
dividamus: si literatores, leviter tan-
tum exponamus, & in quosdam suos
locos dividamus, interdum vero sim-
pliciter exponamus sine locis. *Idem*.

x Pre-

ratio miscenda est, & ita tractanda, ut ipsæ res postula-bunt. Namque incipientibus danda erit velut ¹ præformata materia secundum cujusque vires. At cum satis composuisse se ad exemplum videbuntur, brevia quædam demonstran-da vestigia: quæ persecuti, jam suis viribus sine admini-culo progreди possint. ² Nonnunquam credi sibi eos opor-tebit: ne mala consuetudine semper alienum laborem se-quendi, nihil per se conari & querere sciant. Quod si sa-tis prudenter dicenda viderint, jam prope consummata fuerit præcipientis opera. Si quid erraverint adhuc, erunt ad ducem reducendi. Cui rei simile quiddam facientes aves cernimus, quæ teneris infirmisque foetibus cibos ore suo collatos partiuntur: at cum visi sunt adulti, paulum egre-di nidis, & circunvolare sedem illam præcedentes ³ ipsæ docent: tum expertas vires, libero cœlo, suæque ipsorum fiduciae permittunt.

¹ Praeformata materia.] Metaphora est ducta ab architectis, qui vel scio-graphia, ichnographia, vel orthographia opus præformant. Idem.

Etat sine ulla præceptoris divisione, & sine ullo ejus auxilio. Idem.

² Nonnunquam credi sibi.] Creditur sibi discipulus, cum thema aliquod tra-

³ Ipse docent.] Matres ac dominæ nidi. Idem Fab. lib. 2. cap. 2. Adi Jan. Gebhard. Grepund. lib. 1. c. 9. p. 28.

C A P. VII.

De ediscendo.

ILLUD ex consuetudine mutandum prorsus existimo in his 8 de quibus nunc differimus ætatibus, ne omnia quæ scri-pserint, ediscant, & certa, ut moris est, die dicant: quod quidem maxime patres exigunt: atque ita demum studere liberos suos, si quam frequentissime declamaverint, cre-dunt: cum profectus præcipue diligentia constet. Nam ut scribere pueros, plurimumque esse in hoc opere plane velim:

ERASMUS studium ad verbum edis-cendi non probat, ut nimii laboris & nullius prope fructus. Fabius edis-cendos putat illustrea locos ex oratio-nibus vel historiis. ea res enim & me-moriā firmabit & elocutionem auge-bit. Turneb.